



5 Hydref 2023

Annwyl Dawn

Cyfeiriaf at eich llythyr dyddiedig Medi 8fed 2023 wedi ei gyfeirio at Pedr a minnau.

Gallaf gadarnhau bod Bwrdd yr Ymddiriedolwyr wedi gwneud eu penderfyniad i archwilio newid trefniadau pensiwn ac ymgynghori â staff ac undebau ar y mater hwn yn ein cyfarfod Bwrdd diweddaraf ddydd Gwener 29 Medi. Hysbyswyd cynrychiolwyr undeb o'r penderfyniad hwn ar unwaith – yn y cyfarfod rheolaidd yr wyf yn ei gynnal gyda holl undebau'r Llyfrgell ar ôl pob cyfarfod Bwrdd llawn. Mae'r papurau ymgynghori'n cael eu paratoi ar hyn o bryd a byddant yn cael eu rhannu â staff ar ddechrau'r cyfnod ymgynghori statudol, y gobeithiaf y bydd yn dechrau'n fuan iawn. Dywedwyd wrth undebau nad yw'r cynllun presennol yn fforddiadwy a bod yn rhaid i'r Llyfrgell leihau ei chostau gweithredu yn sylweddol, wrth iddi geisio delio â gostyngiad nas cynlluniwyd yn ein Cymorth Grant.

O ran caniatáu i staff ac undebau fynychu cyfarfodydd agored, fel y gwyddoch, mae'r trefniadau hyn yn amrywio ar draws cyrff cyhoeddus gan gynnwys y rhai o fewn eich portffolio ac nid yw'r Llyfrgell yn eithriad. Er nad yw'r undebau'n bresennol yn y cyfarfodydd, ynghyd ag eraill a oedd wedi dechrau mynychu'n rhithwir yn ystod y pandemig, rwy'n cyfarfod â nhw'n rheolaidd i rannu gwybodaeth berthnasol. Yn ogystal, mae Pedr ac uwch staff eraill yn cyfarfod â chynrychiolwyr undebau lleol a chenedlaethol yn ffurfiol bob mis. Credaf fod amllder y cyfarfodydd hyn yn uwch nag y mae mewn llawer o gyrff cyhoeddus tebyg.

O ran cyfarfodydd caeedig, bydd materion bob amser lle bydd ymddiriedolwyr yn unig yn gyfarwydd â materion preifat a chynhennus. Felly, mae'n bwysig inni gael y gallu i gynnull cyfarfodydd o'r fath o bryd i'w gilydd, yn enwedig yn ystod cyfnod lle'r ydym yn trafod mater sensitif iawn yn ymwneud â hawliad asbestos. Yr unig eithriad y byddem bob amser yn ei wneud yw dod â'r materion hyn i sylw cydweithwyr yn Llywodraeth Cymru, yn gwbl gyfrinachol.

Mae agenda pob cyfarfod Bwrdd yn cael ei wneud yn gyhoeddus ac yn cynnwys eitemau i'w trafod yn y sesiynau caeedig ac agored. Fodd bynnag, nid yw cofnodion cyfarfodydd caeedig neu eithriadol yn cael eu gwneud yn gyhoeddus, am y rheswm a amlinellwyd eisoes uchod.

Gallaf eich sicrhau bod pob un ohonom yn y Llyfrgell yn gwerthfawrogi ein perthynas waith gadarnhaol gyda chi a'ch swyddogion. Rwy'n credu bod y sylwadau a allai fod wedi'u dwyn i'ch sylw wedi codi yn ein cyfarfod bwrdd deuddydd hwy ym mis Gorffennaf. Roedd y cyfarfod hwnnw yn cynnwys rhai

sgysiau dyfnach, agored a gonest. Os sylwyd ar unrhyw feirniadaeth o Lywodraeth Cymru, nid wyf yn cofio ei fod yn unrhyw beth yr oeddwn yn teimlo y byddai'n haeddu ei godi ar wahân gyda'ch swyddogion, na chi'ch hun.

Cofion



Ashok Ahir, Llywydd

ashok.ahir@llyfrgell.cymru

